

Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

Naalakkersuisunut apeqquut:

- 1. Airgreenland-ip aktiaataasa tamakkiisumik tinguneqarnerisa kingorna qanoq Naalakkersuisut iliuseqalersaarpat?**
- 2. Suliniutit suut Naalakkersuisut suliarivaat, akikinnerusumik Airgreenland-imi angalanarluni innimiisoqartalernissaa qularnaarniarlugu?**
- 3. Airgreenland-ip angalatitsiviuteqarfiutilinnut aamma unnuisarfiutilinnut namminersortunut unammillernini ingerlatiinnassavaa?**
- 4. Qanga Naalakkersuisut aalajangerpaat Airgreenland-i unnuisarfinnik nutaanik sanaartussasoq?**
- 5. Naalakkersuisut suut iluaqtissaasinnaasutut takorloorpaat unnuisarfiit Namminersorlutik Oqartussanit pigineqartut ataatsimut aqutaalerpata, uani Airgreenland-i aamma Mittarfeqarfiit unnuisarfinnik ingerlatsinerat, INI A/S-mi imaluunniit selskabet allat assigalugit?**
- 6. Naalakkersuisut Airgreenland tamakkiisumik imaluunniit ilaannakortumik namminersortunngorsarniarlugu pilersaaruteqarpat tamannalu qanoq nunatta karsianut isertitaqarfiutigissava?**

(Inatsisartunut ilaasorta, Pele Broberg, Partii Naleraq)

Tunngavilersuut:

Danskit Naalagaaffianiit Airgreenland-ip pisiarineqarnerani isumaqatigiissummi Naalakkersuisut erseqqisumik akisinnaasimangilaat qanoq ililluni inuiaqatigiinnut iluaqutaassanersoq. Taamaallaallu oqaatigineqarluni tamanna eqqortuliornerusoq.

Airgreenland-ip siulersuisuunernini siulittaasuata tusagassiortunut oqariartuutigaa unnuisarfinnik sanaartornissaq sanaartortoqarnissaa ilimasaarutigalugu. Tamannali Inatsisartunut eqqaaneqarsimangilaq aammalu pisortat selskabiutaannut pisariaqanngitsumik ilapittuutaassasoq namminersortut aningaasaleerusuuttut saneqqutiinnarlugit. Taamaattumillu piffissanngorsimasoraara Naalakkersuisunut aperissallugit ilumut Airgreenland-i naalagaaffimmut pigisassanngortinniarlugu siunertarineqarnerasoq, atuisartummi kisimiillutik unnuisarfinnik atuinissaat uani pineqanngimmat.

Inatsisartunut ilaasorta Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinalleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattaq.: +299 483536

Tusagassiorfitsigut sammineqarnerani aktianillu tingusinermi suliaq sapinngisamik isertuunneqassasoq erserpoq. SAS-illu nalunaarutigalugu Namminersorlutik Oqartussat aktianik pisinerani akisunaarlugu pisiarineqartoq, soorunami selskabip taamatut inissinnera toqqissisimanangilaq, selskabi namminerisannuaminik kissaatinilu malillugit ineriartortitsissappat Naalakkersuisullu tamanna isiginngitsuusaaraat.

Soorlu sivitsortumik ilisimaneqartoq Airgreenland-imut ilaallutik angalasussat amerlanerpaat suliffeqarfiup akiligaanik imaluunniit pisortat akiligaannik angalarput. Taamaattumik ernumanangitsuunnigilaq angalanermi bilitsit akikinnerulernissaat anguniarlugu, taamaalilluni namminersortunit aammalu pisortanit akiliunneqarlutik akikillissaavigineqarnissaat pisariaqarluinnartoq suli pilersaarusiaq saqqummiunneqarsimanngimmat. Pilersaarut takornarissanut aammalu nammineerlutik akiliuteqarlutik angalniartunut iluaqutaassagaluarmat.

Naalakkersuisut suliffeqarfiit namminersortut soorlu angalatitsiviit aammalu unnuisarfiit taamatut unammillertuassagunikkit suliffeqarfiit namminersortut anusinngorsaannassavaat niuerfiit pisariaqartinneqarluinnartut matussuserneqarnissaat eqqarsaatigalugu aamma soqutiginarluinnassaaq takornariaqarnermik suliaqartut kiisalu suliffeqarfiit namminersortut ilumut Naalakkersuisut suliniutigineraat akikinnerusumik angalanissamut innimiisoqartalernissaa selskabit kisermaattuassagunikkit.

Airgreenland-ip Royal Greenland aamma KNI-tut assigalugit aqqissuunneqarnerat ingerlanneqassappata pingaaruteqarluinnarpoq isumannaassallugu nunatta karsia qanoq isertitatigut immerneqassanersoq iluitsumik imaluunniit ilaannakortumik namminersortunngorsarneratigut.

Apeqqutit ullut qulit suliffiusut iluani akineqarnissaat kissaatigaara

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536